

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YB TUAN IGNATIUS DORELL LEIKING**

**TARIKH : 3 NOVEMBER 2014 (ISNIN)**

**SOALAN :**

**Tuan Ignatious Dorell Leiking [Penampang] minta PERDANA MENTERI menyatakan:**

- (a) perincian bilangan pendatang asing tanpa izin di negeri Sabah, dan;
- (b) tindakan pihak Kementerian dalam menangani isu pendatang asing tanpa izin di Sabah yang semakin meruncing.

**JAWAPAN: YB DATO' SERI DR. SHAHIDAN BIN KASSIM**  
**MENTERI DI JABATAN PERDANA MENTERI**

Tuan Yang di-Pertua,

Sejak tahun 2008 hingga September 2014, sejumlah 100,660 Pendatang Tanpa Izin (PTI) di Sabah telah diusir dan dihantar pulang ke negara asal seperti Indonesia dan Filipina. PTI ini ditangkap dan ditahan sebelum diusir melalui beberapa operasi seperti Operasi Tanduk, Operasi Bersepadu, Operasi Nyah 2 Bersepadu dan sebagainya yang dilaksanakan secara berterusan oleh Kerajaan. Usaha-usaha ini telah berjaya mengurangkan bilangan PTI di Sabah dan sebagai langkah penguatkuasaan berterusan untuk menghalang mereka memasuki semula ke negara ini, beberapa langkah penguatkuasaan turut dilaksanakan oleh Pasukan Gerakan Am (PGA) dan Angkatan Tentera Bersama (ATB).

ESSCOM yang baru ditubuhkan pada tahun 2013 juga memainkan peranan besar di dalam menangani masalah PTI dengan menyelaraskan kawalan keselamatan di perairan timur Sabah.

Selain itu, agensi-agensi berkaitan juga telah mengadakan program ceramah keselamatan kepada penduduk di negeri Sabah agar tidak melindungi PTI. Di samping itu juga, Operasi Bersepadu yang disertai oleh pelbagai agensi penguatkuasaan seperti Pasukan Petugas Khas (Sabah/Labuan), Polis Diraja Malaysia, Ikatan Relawan Rakyat Malaysia, Jabatan Imigresen Sabah, Jabatan Ketua Menteri dan Jabatan Pendaftaran Negara terus dilaksanakan di peringkat dalaman bagi mengesan PTI yang berada di negeri Sabah. Operasi ini juga

melibatkan 5P (Pendaftaran, Pengampunan, Pemantauan, Penguatkuasaan dan Pengusiran) yang masih dilaksanakan oleh Kerajaan secara berterusan. Para majikan yang didapati mengambil pekerja asing tanpa permit kerja yang sah juga diambil tindakan.

Sekian. Terima kasih.

**PEMBERITAHUAN PERTANYAAN  
DEWAN RAKYAT**

**PERTANYAAN : BAGI JAWAB LISAN**

**DARIPADA : TUAN LIM KIT SIANG  
[ GELANG PATAH ]**

**TARIKH : 3 NOVEMBER 2014 (ISNIN)**

**SOALAN : 37**

**Tuan Lim Kit Siang [ Gelang Patah ]** minta **MENTERI PENGANGKUTAN** menyatakan sama ada kutipan VEP (Permit Kemasukan Kenderaan) di Johor, bila dilaksanakan akan diagihkan sebanyak 50 dan 70 peratus hasilnya kepada kerajaan negeri Johor untuk pembangunan rakyat negeri Johor.

## **JAWAPAN**

Tuan Yang di-Pertua,

Kerajaan sedang mengkaji kaedah pelaksanaan caj jalan tersebut dari segi teknologi dan peraturan undang-undang yang berkaitan serta juga nisbah pembahagian kutipan antara Kerajaan Persekutuan dengan Kerajaan Negeri.